

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo privrede



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
Министарство привреде

BOSNIA AND HERZEGOVINA
FEDERATION OF BOSNIA AND HERZEGOVINA
TUZLA CANTON
Ministry of Economy

Tuzla, Maršala Tita do br.34, Lamela „B“ II i III sprat, tel.: +387 35 369-327 fax.: +387 35 369-332 e-mail: mp@tk.kim.ba web: vladatk.gov.ba, strategijarazvoja.tk.gov.ba

SMJERNICE ZA PODNOSIOCE PRIJAVA

za

JAVNI POZIV

za odabir korisnika grant sredstava sa pozicije „Podrška razvoju
Kantona“ za 2026. godinu

za projekat

"Kapitalni transferi mikro, malim i srednjim privrednim subjektima (MMSP) za
refundaciju nabavljene nove opreme i novih alata"

Tuzla, septembar 2026. godine

Namjena sredstava

Sredstva se dodjeljuju za refundaciju troškova nabavke nove opreme i novih alata koji su namijenjeni obavljanju registrovane osnovne djelatnosti mikro, malih i srednjih privrednih subjekata i koja predstavljaju prihvatljiv trošak u skladu sa Javnim pozivom i ovim Smjernicama.

Oprema i/ili alati za koje se traži refundacija moraju biti evidentirani u poslovnim knjigama odnosno propisanim evidencijama podnosioca prijave kao stalno sredstvo ili alat/sitni inventar, u skladu sa važećim propisima.

Troškovi koji se priznaju odnose se na troškove nabavke nove opreme i novih alata koji su nastali u periodu od 01.01.2025. godine do 31.08.2026. godine.

Korisnici sredstava

Korisnici sredstava su mikro, mali i srednji privredni subjekti klasifikovani po broju zaposlenih u skladu sa Zakonom o poticanju razvoja male privrede („Službene novine Federacije BiH“, broj: 39/24) i Zakonom o privrednim društvima FBiH („Službene novine Federacije BiH“, br. 81/15 i 75/21), a koji su u većinskom privatnom vlasništvu sa sjedištem na području Tuzlanskog kantona.

Prema veličini, u smislu Zakona o poticanju razvoja male privrede, razlikuju se mikro, mali i srednji subjekti male privrede, pri čemu su:

- Mikro subjekti male privrede - fizička i pravna lica koja zapošljavaju prosječno godišnje manje od 10 osoba i čiji je ukupni godišnji prihod ili ukupna vrijednost poslovne imovine na kraju poslovne godine manja od 3.911.600,00 KM,
- Mali subjekti male privrede - fizička i pravna lica koja zapošljavaju prosječno godišnje manje od 50 osoba i čiji je ukupni godišnji prihod ili ukupna vrijednost poslovne imovine na kraju poslovne godine manja od 19.558.000,00 KM,
- Srednji subjekti male privrede - fizička i pravna lica koja zapošljavaju prosječno godišnje manje od 250 osoba i čiji je ukupni godišnji prihod manji od 97.790.000,00 KM ili čija je ukupna vrijednost poslovne imovine na kraju poslovne godine manja od 84.099.400,00 KM.

U slučaju da, zbog sukoba kriterija broja zaposlenih sa finansijskim pokazateljima, nije jasno u koju od postojećih kategorija spada privredni subjekt, odlučujući kriterij je broj zaposlenih.

Uslovi za dodjelu sredstava

Uslovi koje podnosioci prijave moraju ispuniti za dodjelu sredstava su da:

- registrovana djelatnost ne spada u oblast trgovine (izuzev grane 45.2 - Održavanje i popravak motornih vozila u skladu sa Klasifikacijom djelatnosti KDBiH 2010 („Službeni glasnik BiH“, broj: 47/10), turizma, ugostiteljstva, prevoza stvari, roba i putnika (izuzev grane 52.1 - Skladištenje robe), te proizvodnju oružja i vojne opreme, proizvodnju duhanskih proizvoda i alkoholnih pića, primarnu poljoprivredu izuzev prerađivačke djelatnosti, otvaranje kasina i drugih igara na sreću;
- su registrovani u skladu sa Klasifikacijom djelatnosti KDBiH 2010;
- su registrovani najkasnije zaključno sa danom **30.06.2025. godine**;
- uredno izmiruju direktne poreze, doprinose za PIO/MIO i zdravstveno osiguranje;
- uredno izmiruju indirektne poreze, ukoliko su u sistemu PDV-a;

- su ostvarili pozitivan finansijski rezultat u prethodnoj godini poslovanja (**2025. godina**);
- da imaju najmanje jednog zaposlenog;
- su opravdali ranije dodijeljena finansijska sredstva od strane Ministarstva;
- do sada nisu ostvarili finansijska sredstva Ministarstva privrede i/ili drugog izvora za troškove koji su predmet refundacije po ovom Javnom pozivu.

Kriteriji za izbor korisnika sredstava:

OPIS KRITERIJA								BODOVI	IZVOR VERIFIKACIJE
1.	Djelatnost koju MMSP obavlja	Prihvatljive djelatnosti iz područja B i C						5	Obavještenje o razvrstavanju pravnog lica prema klasifikaciji djelatnosti KDBiH 2010
		Prihvatljive djelatnosti iz područja D, E i F						3	
		Prihvatljive djelatnosti iz ostalih područja						1	
2.	Broj zaposlenih osoba	Srednje	210-249	Malo	42-49	Mikro	8-9	5	Lista osiguranih lica za obveznika izdata od Poreske uprave FBiH
			170-209		34-41		6-7	4	
			130-169		26-33		4-5	3	
			90-129		18-25		2-3	2	
			50-89		10-17		1	1	
3.	Dosadašnji grant poticaji od strane Ministarstva privrede (za period 2023 - 2025. godina)	Nije bio korisnik						2	Baza podataka Ministarstva privrede
		Jedan put korisnik						1	
		Dva i više puta korisnik						0	
4.	Ravnomjerni regionalni razvoj (stepen razvijenosti JLS)	Kategorija IV i V (Čelić, Kalesija, Kladanj, Sapna, Teočak)						3	Rješenje o registraciji; Socio-ekonomski pokazatelji po općinama Federacije BiH za 2025. godinu
		Kategorija III (Banovići, Doboj Istok, Gračanica, Gradačac, Lukavac, Srebrenik, Živinice)						2	
		Kategorija II (Tuzla)						1	

Napomena

- Kriterij „Broj zaposlenih osoba“: Broj zaposlenih utvrđuje se prema zaposlenim osobama kod podnosioca prijave na području Tuzlanskog kantona u poslovnim jedinicama koje obavljaju djelatnost koja ispunjava uslove Javnog poziva. Ukoliko podnosilac prijave ima jednu ili više poslovnih jedinica, u broj zaposlenih uključuju se zaposlene osobe u poslovnim jedinicama registrovanim na području Tuzlanskog kantona čija djelatnost ispunjava uslove Javnog poziva i za koju je podnosilac prijave dostavio dokumentaciju. Zaposlene osobe u poslovnim jedinicama izvan Tuzlanskog kantona, kao ni zaposlene osobe u poslovnim jedinicama koje obavljaju djelatnost koja ne ispunjava uslove Javnog poziva, ne uzimaju se u obzir.
- Kriterij „Ravnomjerni regionalni razvoj“: bodovi se dodjeljuju prema jedinici lokalne samouprave u kojoj je sjedište podnosioca prijave, na osnovu nivoa razvijenosti utvrđenog u publikaciji Federalnog zavoda za programiranje razvoja za 2025. godinu. Ukoliko podnosilac prijave aplicira sa poslovnom jedinicom registrovanom na području Tuzlanskog kantona čija djelatnost ispunjava uslove Javnog poziva, bodovi se dodjeljuju prema jedinici lokalne samouprave u kojoj se nalazi poslovna jedinica sa kojom se podnosilac prijavljuje.

Postupak razmatranja prijava vrši Komisija koju imenuje Ministar privrede, a evaluacija i odabir korisnika će se vršiti u skladu sa uslovima, kriterijima i postupcima utvrđenim u Javnom pozivu i Smjernicama za podnosiocima prijava. Članovi Komisije prije početka rada potpisuju izjavu o nepristrasnosti i povjerljivosti te ne mogu učestvovati u razmatranju prijava u slučaju postojanja sukoba interesa u skladu sa zakonom i drugim propisima kojima je uređeno sprečavanje sukoba interesa.

U slučaju jednakog broja bodova prednost ima kandidat, po redoslijedu važnosti, koji je dobio više bodova po sljedećim kriterijima za bodovanje korisnika:

a) Broj zaposlenih osoba,

b) Dosadašnji grant poticaji od strane Ministarstva privrede za period 2023-2025. godina

U slučaju da i nakon provedene procedure dodatnog bodovanja korisnici imaju isti broj bodova, konačnu odluku donosi Ministar privrede na osnovu objektivnih pokazatelja.

Komisija razmatra prispjele prijave u pogledu ispunjavanja uslova, vrši bodovanje prijava prema kriterijima utvrđenim Javnim pozivom i Smjernicama za podnosiocima prijava, te sačinjava Preliminarnu rang listu korisnika sredstava i Listu podnosilaca čije su prijave neblagovremene, nepotpune i neosnovane ili ne ispunjavaju uslove Javnog poziva, koje se objavljuju na internet stranicama Vlade Tuzlanskog kantona i Ministarstva privrede.

Na objavljene liste svi podnosioci prijava imaju pravo prigovora koji se podnosi Ministarstvu privrede u pisanoj formi, u roku od **osam dana** od dana objavljivanja listi na internet stranicama Vlade Tuzlanskog kantona i Ministarstva privrede. Komisija razmatra podnesene prigovore, zauzima stav o njihovoj osnovanosti i dostavlja ministru prijedlog za odlučivanje po prigovorima. O prigovoru odlučuje Ministar privrede u roku od 15 dana od dana prijema prigovora, a podneseni prigovor odgađa izvršenje dodjele budžetskih sredstava do njegovog rješavanja.

Nakon isteka roka za rješavanje po uloznim prigovorima, Ministar privrede na prijedlog Komisije donosi Konačnu rang listu korisnika sredstava sa pozicije „Podrška razvoju Kantona“ za 2026. godinu, koja se objavljuje na internet stranicama Vlade Tuzlanskog kantona i Ministarstva privrede. Na osnovu Konačne rang liste korisnika sredstava Ministarstvo privrede donosi pojedinačne odluke o odobravanju finansijskih sredstava korisnicima. Na osnovu pojedinačnih odluka sredstva se doznačavaju na transakcijski račun korisnika.

Iznos sredstava

Sredstva za predmetne namjene dodjeljivat će se korisnicima u maksimalnom iznosu:

- mikro privredna društva do 7.500,00 KM (slovima: sedamhiljadapetstotina konvertibilnih maraka);
- mala privredna društva do 15.000,00 KM (slovima: petnaesthiljada konvertibilnih maraka);
- srednja privredna društva do 25.000,00 KM (slovima: dvadesetpethiljada konvertibilnih maraka).

Ministar privrede imenuje Komisiju za odabir korisnika sredstava, koja će izvršiti raspodjelu sredstava u skladu sa ostvarenim bodovima podnosioca prijava i raspoloživim sredstvima. U slučaju velikog broja podnosioca prijava koji ispunjavaju uslove Javnog poziva, a čiji ukupni zbirni zahtjevi prelaze iznos sredstava od 700.000,00 KM, na prijedlog Komisije, Ministar privrede ima pravo umanjiti pojedinačne

iznose sredstava za dodjelu korisnicima, srazmjerno broju prijava koje ispunjavaju uslove Javnog poziva po ovom projektu.

Prihvatljivi i neprihvatljivi troškovi

Prihvatljivi troškovi koji će se refundirati odnosno sufinansirati/finansirati su:

- Troškovi nabavke nove opreme koja je po svojoj namjeni neposredno vezana za obavljanje registrovane osnovne djelatnosti;
- Troškovi nabavke novih alata koji su po svojoj namjeni neposredno vezani za obavljanje registrovane osnovne djelatnosti;
- Troškovi poreza na dodanu vrijednost, ukoliko su obračunati u okviru prethodno navedenih troškova.

Neprihvatljivi troškovi koji se neće refundirati odnosno sufinansirati/finansirati su:

- Troškovi nabavke opreme i alata koji nisu vezani za obavljanje osnovne djelatnosti;
- Troškovi nabavke repromaterijala i potrošnog materijala;
- Troškovi koji nisu nastali u periodu od 01.01.2025. do 31.08.2026. godine;
- Troškovi nabavke namještaja, mobilnih telefona, kancelarijskog namještaja i kancelarijskog materijala, osim specijaliziranog namještaja i opreme koji su po svojoj namjeni neposredno vezani za obavljanje registrovane osnovne djelatnosti podnosioca prijave;
- Troškovi nabavke rabljene (korištene) opreme;
- Troškovi nabavke transportnih sredstava, osim transportnih sredstava koja su po svojoj vrsti i namjeni neposredno vezana za obavljanje registrovane osnovne djelatnosti podnosioca prijave, određene šifrom djelatnosti prema Klasifikaciji djelatnosti KDBiH 2010, i predstavljaju sredstvo za neposredno obavljanje te djelatnosti;
- Troškovi nabavke opreme ili alata namjenjenih daljoj prodaji;
- Gotovinsko plaćanje
- Amortizacija opreme;
- Troškovi prevoza, uvoza i carine opreme i alata;
- Troškovi servisiranja opreme ili alata;
- Troškovi kupovine ili iznajmljivanja infrastrukture, infrastrukturnih objekata i zemljišta;
- Troškovi adaptacije, sanacije ili rekonstrukcije infrastrukture i/ili infrastrukturnih objekata;
- Kazne i troškovi sudskih sporova;
- Dugovanja i rezerve za gubitke, bankovni troškovi i kamate, dugovanja po kamati, troškovi konverzije, nadoknada ili gubici prilikom konverzije valuta i kreditiranje trećih osoba;
- Troškovi režija, komunalija i održavanja;
- Troškovi ugovora o djelu;
- Troškovi zaposlenika (plate, naknade, dodaci na platu, materijalni troškovi);
- Troškovi reprezentacije;
- Troškovi osiguranja;
- Troškovi goriva i putnih troškova;
- Troškovi studijskih posjeta;
- Troškovi koji su finansirani iz sredstava Ministarstva privrede i/ili drugog izvora;
- Ostali troškovi nespomenuti kao prihvatljivi.

Način prijave i potrebna dokumentacija

Podnosilac prijave prilikom apliciranja na Javni poziv obavezno dostavlja:

- a) Popunjen **Prijavni obrazac** koji se može preuzeti na internet stranicama Vlade Tuzlanskog kantona: <http://www.vladatk.gov.ba/> i Ministarstva privrede: <http://www.mptk.gov.ba/>, potpisan od strane lica ovlaštenog za zastupanje i ovjeren pečatom podnosioca prijave;
- b) **DOKUMENTACIJU:**
 - **Fotokopija** Rješenja o registraciji, iz kojeg je vidljivo da je MMSP registrovan najkasnije zaključno sa danom **30.06.2025. godine** (prihvatljiva su Rješenja o izmjenama podataka i/ili stariji Aktuelni izvod iz sudskog registra, ukoliko je iz istih vidljivo da je podnosilac prijave registrovan najkasnije zaključno sa danom 30.06.2025. godine);
 - **Fotokopija** Aktuelnog izvoda iz sudskog registra, ne starijeg od 90 dana od dana objave Javnog poziva;
 - **Fotokopija** Uvjerenja o poreznoj registraciji – ID broj;
 - **Original ili ovjerena fotokopija** Uvjerenja o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave Federacije BiH, ne starija od 90 dana od dana objave Javnog poziva (ne prihvataju se Uvjerenja po osnovu urednog izmirenja dospjelih rata po sporazumu o plaćanju duga u ratama potpisan sa Poreskom upravom Federacije BiH);
 - **Original ili ovjerena fotokopija** Uvjerenja o urednom izmirenju indirektnih poreza izdato od Uprave za indirektno oporezivanje, ne starija od 90 dana od dana objave Javnog poziva (ukoliko je u sistemu PDV-a), odnosno **potpisana i ovjerena Izjava** od strane podnosioca prijave da nije u sistemu PDV-a (ne prihvataju se Uvjerenja po osnovu urednog izmirenja dospjelih rata po sporazumu o plaćanju duga u ratama potpisan sa Upravom za indirektno oporezivanje);
 - **Original ili ovjerena fotokopija** Liste osiguranih lica za obveznika izdata od Poreske uprave Federacije BiH, ne starije od 90 dana od dana objave Javnog poziva;
 - **Fotokopija** Obavještenja o razvrstavanju pravnog lica prema klasifikaciji djelatnosti KDBiH 2010;
 - **Fotokopija** Bilansa uspjeha za 2025. godinu sa ovjerom Finansijsko-informatičke agencije;
 - **Fotokopija** Bilansa stanja za 2025. godinu sa ovjerom Finansijsko-informatičke agencije;
 - **Fotokopija** kartona deponovanih potpisa (spesimen) ili drugi dokaz o broju transakcijskog računa podnosioca prijave kod banke;
 - **Original ili ovjerena fotokopija** računa sa specifikacijom troškova i pratećim fiskalnim računom (fiskalni račun se obavezno dostavlja ukoliko je dobavljač obveznik fiskalizacije u BiH), izdatog od poslovnog subjekta od kojeg je nabavljena nova oprema i/ili novi alati za koji se traži refundacija, datirana u periodu prihvatljivosti troškova;
 - Izvod iz banke **ovjeren pečatom banke** ili **original odnosno ovjerena fotokopija** potvrde banke o realizovanom nalogu za plaćanje prema poslovnom subjektu od kojeg je nabavljena nova oprema i/ili novi alati, iz kojih je vidljivo plaćanje troškova nabavke datirano u periodu prihvatljivosti troškova;
 - **Fotokopija odgovarajuće poslovne odnosno knjigovodstvene evidencije** (kartica stalnog sredstva, evidencija sitnog inventara ili druga odgovarajuća evidencija) iz koje je vidljivo da je nabavljena oprema/alat evidentirana u poslovnim knjigama odnosno propisanim evidencijama podnosioca prijave kao stalno sredstvo ili alat/sitni inventar, u skladu sa važećim propisima, ovjerena pečatom i potpisana od strane ovlaštenog lica podnosioca prijave;

- **Izjava podnosioca prijave o istinitosti podataka i prihvatanju obaveza** – popunjena i potpisana od strane lica ovlaštenog za zastupanje i ovjerena pečatom podnosioca prijave (dostupna na internet stranicama Vlade Tuzlanskog kantona i Ministarstva privrede uz Javni poziv).
- **Izjava o primljenim de minimis pomoćima i drugim državnim pomoćima** – popunjena i potpisana od strane lica ovlaštenog za zastupanje i ovjerena pečatom podnosioca prijave (dostupna na internet stranicama Vlade Tuzlanskog kantona i Ministarstva privrede uz Javni poziv);

Navedenu dokumentaciju potrebno je priložiti uz Prijavni obrazac. Na kraju Prijavnog obrasca obavezno navesti mjesto, datum i potpis lica ovlaštenog za zastupanje, te ovjeriti pečatom podnosioca prijave.

Ukoliko prijavni obrazac i tražene izjave potpisuje lice koje u sudskom registru nije navedeno kao lice ovlašteno za zastupanje, potrebno je uz prijavu priložiti i punomoć/ovlaštenje za potpisivanje istih.

Ukoliko podnosilac prijave aplicira sa jednom ili više poslovnih jedinica, obavezno dostavlja: Fotokopije Uvjerjenja o poreznoj registraciji – ID broj, Fotokopije Obavještenja o razvrstavanju pravnog lica prema klasifikaciji djelatnosti KDBiH 2010 i Original ili ovjerene fotokopije Liste osiguranih lica za obveznika izdate od Poreske uprave Federacije BiH ne starije od 90 dana od dana objave Javnog poziva, za sve poslovne jedinice čija djelatnost ispunjava uslove iz Javnog poziva i koje su registrovane na području Tuzlanskog kantona.

S obzirom da će se prijave na Javni poziv bodovati na osnovu dostavljenog Prijavnog obrasca i prateće dokumentacije, Komisija ima pravo izvršiti provjeru svih podataka navedenih u Prijavnom obrascu i dostavljenoj dokumentaciji, uključujući uvid u odgovarajuće službene, poslovne i druge evidencije i dokumentaciju, te prema potrebi zatražiti pojašnjenje već dostavljenih podataka i dokumentacije. Provjerom, uvidom ili pojašnjenjem ne može se omogućiti naknadna dopuna prijave dokumentacijom koja je Javnim pozivom propisana kao obavezna.

Rok i način podnošenja prijave

Prijave se dostavljaju zaključno sa danom 25.09.2026. godine, odnosno prihvatit će se prijave koje imaju poštanski pečat najkasnije sa navedenim datumom. Prijave koje su predate nakon isteka navedenog roka će biti odbačene i neće biti predmet daljeg razmatranja.

Prijave sa odgovarajućom dokumentacijom, šalju se preporučeno poštom u zapečaćenim kovertama ili lično na adresu:

Ministarstvo privrede Tuzlanskog kantona
Pisarnica Vlade TK, Fra Grge Martića 8, 75000 Tuzla,
NE OTVARATI – Prijava po Javnom pozivu za odabir korisnika grant sredstava sa pozicije „Podrška
razvoju Kantona“ za 2026. godinu
 sa napomenom:

Projekat: „Kapitalni transferi mikro, malim i srednjim privrednim subjektima (MMSP) za refundaciju
nabavljene nove opreme i novih alata“

Na poledini kovert obavezno navesti:

- Naziv – ime podnosioca prijave;
- adresu i kontakt telefon;
- ovjeriti pečatom podnosioca prijave.

Prijave će biti odbačene i neće biti predmet daljeg razmatranja ako su neblagovremene, nepotpune i ne ispunjavaju uslove Javnog poziva.

Pravo učestvovanja

Korisnici poticajnih sredstava koji nisu izvršili ranije preuzete obaveze po osnovu korištenja poticajnih sredstava Ministarstva privrede, nemaju pravo učestvovanja na Javnom pozivu, odnosno njihove prijave se neće uzeti u razmatranje.

Podnosioci prijave mogu podnijeti samo **jednu prijavu** po ovom projektu. U slučaju podnošenja više prijava istog podnosioca po ovom projektu, sve prijave će biti odbačene i neće biti predmet daljeg razmatranja.

Napomena:

- Korisnici sredstava nisu dužni podnositi izvještaj o namjenskom utrošku sredstava za predmetnu nabavku, budući da je nabavka realizovana prije dodjele sredstava, a njena realizacija i prihvatljivost dokazuju se dokumentacijom dostavljenom uz prijavu.
- Dodjela sredstava po ovom projektu vrši se uz primjenu važećih propisa i pravila iz oblasti državne pomoći i pomoći male vrijednosti – de minimis pomoći.
- Na pitanja koja nisu posebno uređena ovim Smjernicama, Javnim pozivom za odabir korisnika grant sredstava „Podrška razvoju Kantona“ za 2026. godinu i Programom o utvrđivanju uslova, kriterija i postupaka za raspodjelu sredstava Budžeta Tuzlanskog kantona za 2026. godinu sa pozicije 31010003 – „Podrška razvoju Kantona“ i drugim aktima donesenim radi njegove realizacije, primjenjuju se odredbe Odluke o minimalnim standardima dodjele budžetskih sredstava putem transfera i subvencija u Tuzlanskom kantonu, broj: 02/1-11-6362/26 od 06.03.2026. godine.
- Dodatne informacije i pojašnjenja u vezi sa Javnim pozivom mogu se dobiti isključivo putem email adrese **mp@tk.kim.ba**. Komunikacija u vezi sa Javnim pozivom ne može predstavljati osnov za izmjenu ili dopunu prijavne dokumentacije nakon isteka roka za podnošenje prijave.

Broj: 03/1-11-25809-1/26
Tuzla, 09.09.2026. godine

MINISTAR

Edin Duraković, dipl. pravnik